

BBB Ikajuutikhaq: Upalungaijautikhaq Qitunngaqtigiitut Haalitiiknahuarumik
Ukunanga International Association of Better Business Bureaus. Hikutirvia 30, 2019.

Upalungaijarnahuaruvit haalitiirutikhamut tingmilutit, akitulluangittumik haalitiirutikhaffingnut, aullarumaguvilluunniit, Better Business Bureau (BBB) upalungaijaqujait tikitinnagu manikhanik atuqluaqnaittumik, ihuittumik maniliuqnahurittunik pinnaittumik, tingmijaamilu qajangnaittumik.

Ihuittumik maniliuqnahurittut pinahuritpagait inuit qiniqhiajunik akituvallaangittunik qaritaujakkut pitquivlutik nakuukpiaktutut ittunik haalitiirutikhanut akikitpiaktumik. Taimaatut naunaiqhijukhaujutit aullaktinnatit. BBB.org ikajurvikhaq nakuujuq qiniqhiajunut tingmidjutinut havagviinnik, ikajuqtit qaritaujakkullu ihuaqtunut nakuuvlutiklu.

Hamma ilangit ikajuutikhat BBB-kunit ikajuutikhaq ihumaalungnaittumut haalitiiriami:

Qilamik upalungaiqhimalutik. Qilamiuqtut akimavaktut. Qilamiuqhimaaittumik naunaijaklugit hiniktarviit, tingmidjutit, humiinniariakhangnullu. Ihuatqiyaq, qilamik ihuaqhaiguvit, nakuutqijauniaqtut paqitatit upagumajat tatannaittumut tingmijunit. Qilamik ihuaqhaiguvit ihuaqhivagait akikhainut akiliqhinnaittumik akituvallaanik upinnngaami havaguiqhimalaktunut haalitiingnaqtumilu.

Aturuiqlugit amigaittut qaritaujakkut takujakturviinnik. Atungnahurittailugit titirakpagait ‘nakuutqijit atuqtakhat’ qiniqhiadjutingnut atuqpaktangnut. Amihumik qiniqhiadjutit taimaatut upautinnaqtut qaritaujakkut qiniqhiadjutinut ihuaqtutut ittunut, kihimi pihimajut ihuittumik inungnit manikhariamingnut.

Qajagilugit tingmidjutikhanut ihuittumik pinahurittunik. Qajagilugit hivajaktunik titiqqidjutinikluunniit “akimajumik tingmidjutikhangnik” qaritaujakkullu qiniqhiadjutit tunijumajut akikhainut itquumajutut ittunik. Ajungnaittut apiqhuutaujaanginni taimaatut ittunik, kihimi amihut tingmijunut ajuqhaqtitauvaktut – maniikhutiklu. Naunaiqjuumilugit tingmidjutinut ihuittumik pivaktainut hamani.

Ilitturilugit. Apirilugit qunnganut ilannanullu naunaiqhivlutugit tingmidjutikhanut ikajuqtinut qaritaujakkulluunniit qiniqhiavikhanut takujakturlugulu BBB.org akiittunut Nanminiaqatunut Naunaitkutainut. Atuqpagupkit qaritaujakkut ikajurikhat hiniktarviknut, qaujihaklugu nanminiaqatug taiguaklugillu tingmihimajut titiraqhimajait akilikhivaktunut aturianginni ihumagijangnik.

Pilugit tingmidjutikhat titiqqiqulugit. Kingullikmik akilikhitinnatit, pilugit tamaita naunaitkutait titiraqtitlugit. Ilalugit tamaita tamaat akikhaa, pilimaitait, taimaaqtidjutinut akiligakhat, atiniklu tingmipkaijinut hiniktarviknullu. Unalu, naunaittiarlugu pihimalugulu aadjiliugaq tingmipkaijinit hiniktarviknullu taimaaqnahuaruvit akiliktauffaarutikhanullu atugakhat, ukuallu taimaaqnahuaqtunut atugakhat tingmidjutinut havagvingmut unaluunniit tingmidjutikhanut naunaiqhivigijangnut.

Ihumagilugu tingmidjutinut qullangnaijautikhat. Tingmidjutinut qullangnaijautit akilikpagait tingmidjutinut taimaaqtanginnut munaqhiliqinikkullu qilamiurutikhat. Ukuat aallatqiit akilikpagait pihimajunut upalungaijakhutit akiliktangnut. Amihunik apiqhivaklutit, taiguakpaklugit mikijut titiraqhimajut takulugit hunat pittaaqtait pilimaitainullu.

Akilikhilutit atukkiutimut. Akilikhijut atukkiutimut ikajuutiginaqtat hunalikaak ihuiqqat tingmidjutinut hiniktarviknullu naunairiirutainut.

Kakugulikaak humulluunniit aulaknahuaruvit, hunalikaak pijakhatit ilingnik qajagilutit, iglungnut tamajarijangnullu:

Utaqqilutit titiriami inuit takuttaaktainut. Tamapta tuhatidjutigijumaliqpaktavut haalitiirutikhavut ilannanut qitunnaptिंगnullu, kihimi utaqqilutit utiffaaruvit aullaqhimadjutingnit. Naunikhipkakpiaruvit kakugu aullakniaqtumik, iglullu inuinniaqtumik, kukiktuqaqtaaktuq.

Naunaiklugu iglungnut qullangnaijautikhaq. Iglut inuinniaqqat aullaqhimatillutit, ilihimalugit pijakhatit iglungnut qullangnaijautinut atugakhat. Ilangit atugakhat pijuitait ahiruqtunut ihuiqtunut inuup takujaktungnitpagu iglut naunaikhimajumut hivitunianut.

Tunilugu aadjiliuqhimajuq tingmidjutikhangnut ilangnut ilannanulluunniit. Naunaiklugu uqaqvigijaami inungmik mallauniaqtumut ilingnut aullaliruvit.

Pilutit nunajamik. Inuit atulluaqpagait hivajuatit (smartphones) taktukhiurutillu (GPS). Tutquumavikmut qaritaujakkut pilutit ajuqhautiqaqqat atuqtakhamik haniniinniarumik ajuqhautiqaqtunut tigumiaktangnut hivajautinuumut ilaani nakuuhuiqpakmata.

Naunaiklugu hila qanurinniaqmangaat aullaqvikhangnut puukkattamullu ililugit ihuaqtut atuqtakhat aannuraaniklu.

Avaliittumik aullaruiqutit. Atuqlugu aulaqatigiigutikhat najuklugillu ilannatit.

Atuqpaklugit hiniktarvikni tutquumavit manikmik tutquumalutit hunallu akitujut kiluuttaqhimavaklugit.

